



1. Ծանոթագրություն

- **«ՀՀ կրթության և գիտության նախարարություն»** – մրցույթն իրականացվում է ՀՀ ԿԳՆ հովանու ներքո (www.edu.am):
- **«Այբ» կրթական հիմնադրամ** – պաշտոնական կազմակերպիչը Հայաստանում (Երևան 0009, Կորյունի 19ա, 54-37-07, kangaroo@ayb.am, www.kangaroo.am, www.ayb.am):
- **«Կենտրոն առանց սահմանների» միջազգային ասոցիացիա (KSF)** – կազմակերպիչը ողջ աշխարհում (կենտրոնական գրասենյակը գտնվում է Փարիզում, www.math-ksf.org):
- **Մարզային համակարգող** – մարզերում մրցույթի կազմակերպման համար «Այբ» հիմնադրամի պատասխանատուներ: Բոլոր հարցերով անմիջապես դիմեք նրանց: Համակարգողների տվյալները զետեղվում են www.kangaroo.am կայքէջում և մրցույթի իրազեկման նյութերում:
- **Ղարոց** - «Կենտրոն» մրցույթին մասնակցության հայտ ներկայացրած հանրակրթական հաստատություն:
- **Գործընկեր ղարոց** – այն դպրոցը, որի մասնակից աշակերտների թիվը պակաս է 40-ից և որը մրցույթի օրը միանալու է այլ դպրոցի:
- **Ղարոցի պատասխանատու** – դպրոցի կողմից լիազորված աշխատակից, ով կհամակարգի դպրոցում մրցույթի անցկացման հետ կապված բոլոր աշխատանքները: «Այբ»-ը և մարզային համակարգողները կապ կպահեն անմիջապես դպրոցի պատասխանատուի հետ:
- **Տարածքային կենտրոն** – կենտրոններ, որոնք գործելու են միայն մրցույթի օրը գրեթե բոլոր քաղաքային համայնքներում: Կենտրոններից դպրոցի պատասխանատուները առավելույան կվերցնեն մրցույթային փաթեթները և այնտեղ էլ, մրցույթի ավարտից հետո, կհանձնեն արդյունքների փաթեթները: Տարածքային կենտրոնների ցանկը տեղադրվում է www.kangaroo.am կայքէջում, ինչպես նաև տրամադրվում է մարզային համակարգողների կողմից:
- **Ղարոցի դիտորդներ** – դպրոցի կողմից լիազորված անձինք (այդ թվում ծնողներ), ովքեր կհետևեն մրցույթի կանոնների պահպանմանն իրենց իսկ դպրոցում: Յուրաքանչյուր դպրոցում պետք է լինի առնվազն երկու դիտորդ: Միևնույն ժամանակ պետք է ապահովվի առնվազն մեկական դիտորդի ներկայությունը յուրաքանչյուր դասասենյակում, եթե մրցույթը դպրոցում իրականացվում է ոչ թե մեկ, այլ մի քանի դասասենյակներում:
- **«Այբ»-ի դիտորդներ** – «Այբ» հիմնադրամի կողմից լիազորված անձինք, ովքեր մրցույթի օրը կայցելեն մի շարք դպրոցներ՝ կամայական ընտրությամբ, և կհետևեն մրցույթի կանոնների պահպանմանը:
- **Մասնակից** – դպրոցի 3-11-րդ դասարանցիներ, ովքեր գրանցվել են իրենց դպրոցի մասնակիցների ցանկում՝ ներկայացնելով վճարման անդորրագրերը:
- **Հուշանվերներ** – մրցույթի օրը բոլոր մասնակիցներին տրվող փոքրիկ նվերներ:
- **Մրցանակներ** – տրվում են լավագույն արդյունքներ ցուցաբերած մասնակիցներին: Լավագույն արդյունք է համարվում՝ 3-4-րդ դասարանցիների համար 64-90 միավորը հնարավոր 96-ից, 5-11-րդ դասարանցիների համար՝ 80-114 միավորը հնարավոր 120-ից:

- **Մրցույթի հաղթողներ** – 3-4-րդ դասարանցիներ, ովքեր հավաքել են 91-96 միավոր, կամ 5-11-րդ դասարանցիներ, ովքեր հավաքել են 115-120 միավոր:
- **Մրցույթի մասնակցության հայտ** – դպրոցի կողմից լրացված և մինչև հայտարարված վերջնաժամկետը «Այբ» կամ մարզային համակարգողներին ներկայացված հայտ: Ղարոցը կմասնակցի մրցույթին միայն նշված ժամկետում հայտը ներկայացնելու դեպքում: Հայտին պետք է պարտադիր կցվեն մասնակիցների ցանկը և վճարման անդորրագրերը:
- **Մասնակիցների ցանկ** – մասնակից երեխաների ցանկ, որը կազմվում է դպրոցում: Ցանկում ներառվում են բոլոր ցանկացող երեխաները, ովքեր ներկայացրել են մասնակցության վճարի բանկային անդորրագրերը: Մասնակիցների ցանկի տպագիր տարբերակը ներկայացվում է հայտի հետ, իսկ էլեկտրոնայինը՝ պարտադիր ուղարկվում է kangaroo@ayb.am էլ. հասցեով:
- **Մրցույթի փաթեթ** – մրցույթի օրը դպրոցների պատասխանատուներին տարածքային կենտրոններից տրվող փաթեթ, որը ներառում է խնդիրների տարբերակները՝ ըստ տարիքային խմբերի, պատասխանների լրացման թերթիկները, դպրոցի ծածկագիրը և հուշանվերները: Այս բոլոր նյութերը պատրաստվում են դպրոցի «Մրցույթի մասնակցության հայտում» նշված քանակից առնվազն 10%-ով ավելի յուրաքանչյուր տարիքային խմբի համար: Այդ 10%-ի սահմաններում նախապես չգրանցված աշակերտները կարող են մրցույթին մասնակցել մրցույթի օրը՝ ներկայանալով դպրոց և տրամադրելով վճարման անդորրագիրը:
- **Ղարոցի ծածկագիր** – դպրոցին «Այբ»-ի կողմից շնորհվող թվային անփոփոխ ծածկագիր (բոլոր տարիների համար), որը կարող էք գտնել www.kangaroo.am կայքէջում կամ իմանալ համակարգողներից: Այս ծածկագիրը երեխաները պարտադիր պետք է գրեն պատասխանների լրացման իրենց թերթիկների վրա:
- **Մասնակցի հերթական համար** – մասնակիցների վերջնական ցանկում երեխայի հերթական համարը: Փաստացի մասնակիցների վերջնական ցանկը ձևավորվում է մրցույթի ընթացքում՝ «Այբ»-ից ստացված ցանկի հիման վրա, և ավարտից հետո հանձնվում է տարածքային կենտրոնին: Այս համարով և դպրոցի ծածկագրով է համակարգիչը հասկանալու, թե ում է պատկանում տվյալ աշխատանքը:

2. Մրցույթի մասնակիցները

- 2.1. Մրցույթի հիմնական նպատակը դպրոցականների ամենալայն շրջանում մաթեմատիկայի հանդեպ հետաքրքրության խթանումն է, ուստի կարող են մասնակցել 3-11-րդ դասարանցի բոլոր ցանկացողները: **Որևէ նախնական ընտրություն կատարելը, որևէ երեխային իր կամքին հակառակ մրցույթին չթույլատրելը կամ որևէ կերպով նրա մասնակցությանը խոչընդոտելը դեմ է «Կենտրոն» մրցույթի սկզբունքներին և անընդունելի է:**
- 2.2. Մրցույթին կարող են մասնակցել.
 - 3-11-րդ դասարանի աշակերտներ այն դպրոցից, որը մասնակցության հայտ է ներկայացրել և որի ցանկերում գրանցված են 40 և ավելի մասնակիցներ: Այս երեխաները մասնակցում են իրենց իսկ դպրոցում:
 - 3-11-րդ դասարանի աշակերտներ այն դպրոցից, որը մասնակցության հայտ է ներկայացրել, սակայն որի ցանկերում գրանցված են 40-ից պակաս մասնակիցներ: Այս երեխաները մասնակցում են՝ միանալով որևէ այլ դպրոցի, որի հետ իրենց դպրոցն ունի պայմանավորվածություն:

- 3-11-րդ դասարանի աշակերտներ, որոնց դպրոցը մասնակցության հայտ չի ներկայացրել: Այս երեխաները կարող են իրենց նախաձեռնությամբ նախօրոք դիմել որևէ այլ դպրոցի, ստանալ այդ դպրոցի ղեկավարության թույլտվությունը, գրանցվել մասնակիցների ցանկում, տրամադրել վճարման անդորրագիրը և մրցույթի օրը ներկայանալ այդ դպրոց:

3. Մրցույթի անցկացումը

- 3.1. Հայաստանում մրցույթի պաշտոնական կազմակերպիչը «Այբ» կրթական հիմնադրամն է: Մրցույթը Հայաստանում իրականացվում է ՀՀ կրթության և գիտության նախարարության հովանու ներքո:
- 3.2. Մրցույթի կազմակերպման աշխատանքներում ներգրավված են «Այբ» կրթական հիմնադրամը, մարզային համակարգողները և մասնակից դպրոցները: Յուրաքանչյուր մասնակից դպրոց հենց ինքն է նշանակում **դպրոցի պատասխանատուին**, ով համակարգում է մրցույթի անցկացման աշխատանքներն անմիջապես դպրոցում:
- 3.3. Մրցույթն անցկացվում է տվյալ դպրոցում, եթե գրանցված մասնակիցների թիվը 40 և ավելի է: Եթե մասնակից աշակերտների թիվը պակաս է 40-ից, ապա դպրոցը մրցույթին մասնակցում է՝ մրցույթի օրը միանալով մեկ այլ դպրոցի, որի հետ ձեռք է բերում համապատասխան պայմանավորվածություն:
- 3.4. Յուրաքանչյուր մասնակից երեխա (անկախ մրցույթի արդյունքներից) և մասնակից դպրոց (անկախ այն բանից՝ մրցույթը իրականացվել է իր մոտ, թե այլ դպրոցում) ստանում է **մասնակցության հավաստագիր**:
- 3.5. Դպրոցի պատասխանատուն մրցույթի մասին տեղեկացնում է աշակերտներին, գրանցում մասնակիցներին, հավաքագրում վճարման անդորրագրերը (բնօրինակները կամ պատճենները), ամփոփում մասնակիցների ցանկերը՝ ըստ տարիքային խմբերի, և, կցելով այդ տվյալները դպրոցի մասնակցության հայտին, փոխանցում իրենց մարզային համակարգողին: Մարզային համակարգողները այդ տվյալները փոխանցում են «Այբ» կրթական հիմնադրամի կենտրոնական գրասենյակ, որտեղ և պատրաստվում են մրցույթի նյութերը:
- 3.6. Մրցույթը ողջ աշխարհում անցկացվում է նույն մարտի երրորդ հինգշաբթի օրը: Հայաստանի դպրոցներում մրցույթը սկսվում է 12:00-14:00 ժամանակահատվածում: Մրցույթի օրվա առավոտյան դպրոցի պատասխանատուն տարածքային կենտրոնից վերցնում է մրցույթի նյութերը: Մրցույթի խնդիրների թերթիկները և պատասխանների լրացման թերթիկները տրվում են դպրոցի պատասխանատուին փակ կնքված ծրարով, որը պետք է բացվի **միայն մրցույթի մեկնարկի պահին՝ մասնակիցների ներկայությամբ**: Այն դպրոցներին, որոնց տարածքային կենտրոնները գտնվում են ոչ իրենց համայնքում, կտրվի մրցույթային փաթեթի ստացման ճանապարհածախսի փոխհատուցում 3000 դրամի չափով: Փոխհատուցումը կփոխանցվի դպրոցի բանկային հաշվեհամարին մրցույթից հետո:
- 3.7. Այն դպրոցները, որոնք միավորվել են մրցույթի իրականացման համար, կստանան մեկ (ընդհանուր) մրցույթային փաթեթ, որը կտրվի այն դպրոցի պատասխանատուին, որտեղ ֆիզիկապես իրականացվում է մրցույթը:
- 3.8. Մրցույթի ժամանակ մասնակիցներին պետք է նստեցնել հնարավորինս ազատ (խիստ ցանկալի է առանձին-առանձին՝ յուրաքանչյուր սեղանի մոտ՝ մեկ աշակերտ): Եթե դա անհնար է, ապա խորհուրդ է տրվում միմյանց կողք նստեցնել տարբեր տարիքային խմբի երեխաներ, ովքեր չունեն նույն առաջադրանքները: **Չի կարելի կողք-կողքի նստեցնել հարակից տարիքային խմբերի երեխաներ**: Օրինակ՝ 7-8-րդ դասարանցիներին՝ 5-6-րդ դասարանցիների կամ 9-10-րդ դասարանցիների հետ:

- 3.9. Մասնակիցներին պետք է նստեցնել մեկ սրահում կամ դահլիճում: Եթե դա անհնար է, ապա երեխաներին կարելի է նստեցնել մի քանի սրահում (դասասենյակում)՝ յուրաքանչյուր սրահ ապահովելով դիտորդով: **Հիշեցնենք՝ մրցույթի հեղինակությունն ու արդյունքների ճշտությունը կախված է անցկացման պատշաճությունից**:
- 3.10. Մրցույթի ժամանակ սեղաններին պետք է լինեն միայն «Կենգուրու»-ի խնդիրները, պատասխանների լրացման թերթիկը, գրիչ ու, ցանկության դեպքում, սևագրի թերթիկ, որը պետք է լինի **մաքուր թուղթ**: Չի թույլատրվում որպես սևագիր օգտագործել տետրակ:
- 3.11. Մրցույթի ընթացքում **արգելվում է օգտագործել հաշվիչ, հեռախոս և հաշվողական այլ սարքեր**: Մրցույթի 75 րոպեների ընթացքում լռության պահպանումը պարտադիր է: **Հուշումները, արտագրությունները, միջամտությունները, խոսելն ու աղմկելը խստիվ արգելվում են**:
- 3.12. Մրցույթի սկզբում բոլոր մասնակիցներին բաժանվում են **պատասխանների լրացման թերթիկները**: Թերթիկի լրացման համար օգտագործել **միայն կապույտ կամ սև գրիչ**: Այլ գույնի գրիչ կամ մատիտ օգտագործել չի թույլատրվում:
- 3.13. Մրցույթի կանոնների բացատրության և պատասխանների լրացման թերթիկներում անձնական տվյալները գրանցելու համար նախատեսք մոտ 15 րոպե: Մրցույթի խնդիրների լուծման համար հատկացվում է ուղիղ **75 րոպե**: Այս ժամանակը հաշվարկվում է խնդիրների թերթիկները (թեստերը) երեխաներին բաժանելու պահից: Այսպիսով, մրցույթի անցկացման համար պահանջվում է մոտ 1 ժամ 30 րոպե: Մրցույթը դպրոցում պետք է մեկնարկի 12:00-14:00 ժամանակահատվածում:
- 3.14. Համոզվեք, որ բոլոր մասնակիցները գրել են անհրաժեշտ տվյալները պատասխանների լրացման թերթիկի վրա և **միայն դրանից հետո բաժանեք խնդիրները**: Դպրոցի ծածկագիրը (այն կլինի նաև մրցույթային փաթեթում) գրեք գրատախտակի վրա և խնդրեք երեխաներին ուշադիր արտագրել այն պատասխանների լրացման թերթիկի համապատասխան հատվածում: Բացի անուն-ազգանունից պատասխանների լրացման թերթիկում երեխաները պետք է մուտքագրեն իրենց հերթական համարները՝ ըստ մասնակիցների վերջնական ցանկի (ցանկը կգտնեք մրցույթային փաթեթում): **Եթե ԴՊՐՈՑԻ ԾԱԾԿԱԳԻՐԸ ԵՎ ԵՐԵՆԱՅԻ ՀՆՈՒՄԱՆ ՀԱՄԱՐԸ (ՇՍՏ ՑՄՆԿԻ) ՉԵՆ ՆԵՎՈՒՄ, ԱՊԱ ՀԱՄԱԿԱՐԳԻՉԸ ՉԻ ՀԱՍԿԱՆԱ, ԹԵ ՈՒՄ Է ՊՍՏԿԱՆՈՒՄ ՏԿՅԱՆ ԱՆԻՍՏԱՆՔԸ**: Այս ամենից հետո միայն բոլոր մասնակիցների ներկայությամբ բացեք խնդիրների ծրարը և ըստ տարիքային խմբերի բաժանեք խնդիրների թերթիկները:



Խնդիրների թերթիկների (թեստերի) ծրարը բացվում է, և թերթիկները բաժանվում են միայն բոլորի կողմից անհրաժեշտ տվյալները պատասխանների լրացման թերթիկներում լրացնելուց հետո: Այս պահից հաշվարկվում է մրցույթի ժամանակը՝ 75 րոպե:

- 3.15. Խորհուրդ տվեք մասնակիցներին երկար կանգ չառնել մեկ խնդրի վրա, եթե այն չի ստացվում: Նպատակահարմար է անցնել հաջորդ խնդրին, ապա վերջում վերադառնալ չլուծված խնդրին:
- 3.16. Լուծելով խնդիրը՝ մասնակիցը նշում է («X» է դնում) տվյալ խնդրի համարին համապատասխանող սյունակում ընտրված պատասխանի վանդակը: **Պատասխանների թերթիկում ջնջում կամ որևէ նշում անելն արգելված է**: Երեխան ունի հնարավորություն՝ կատարելու **առավելագույնը 3 ուղղում**: Ուղղում անելու նպատակով **աշակերտը դիմում է պատասխանատուին, ով բացատրում է երեխային, թե ինչպես է դա արվում**: Ուղղումների համար պատասխանների լրացման թերթիկում նախատեսված է երեք լրացուցիչ դաշտ, որոնցում աշակերտը մուտքագրում է ուղղվող խնդրի համարը և նշում ընտրված պատասխանի տարբերակը: Եթե միևնույն խնդրի համար երեխան

պատասխանել է երկու տեղ՝ և՛ ընդհանուր, և՛ ուղղումների դաշտում, ապա որպես վերջնական պատասխան ընդունվում է ուղղումների դաշտում նշվածը:

- 3.17. Յուրաքանչյուր խնդիր ունի պատասխանի հնարավոր հինգ տարբերակներ, որոնցից միայն մեկն է ճիշտ: Եթե պատասխանների լրացման թերթիկում որևէ խնդրի համար երեխան նշում է մեկից ավելի պատասխան, ապա խնդիրը համարվում է չլուծված:
- 3.18. Սկսվելուց ուղիղ 75 րոպե հետո մրցույթն ընդհատվում է, և պատասխանատուն հավաքում է պատասխանների լրացման թերթիկները: Թեստերը մնում են երեխաների մոտ: **Պատասխանների բոլոր թերթիկները և մասնակիցների վերջնական (ձշտված) ցանկերը անմիջապես փակվում են** համապատասխան ծրարի մեջ, որի վրա ստորագրում են պատասխանատուն, դպրոցից երկու դիտորդները, տնօրենը (կամ փոխտնօրենը), ընդհանուր թվով՝ 4 (չորս) հոգի, և կնքում դպրոցի կնիքով: Ծրարը **նույն օրը** դպրոցի պատասխանատուի կողմից հանձնվում է տարածքային կենտրոն:
- 3.19. Հանձնվող ծրարի մեջ պարտադիր ներառել նաև մասնակիցների ցանկը: Ցանկը պետք է ձգբոսփի մրցույթի փաստացի մասնակիցների տվյալներին համապատասխան:



Մասնակիցների ցանկերը և պատասխանների թերթիկները դրվում են նույն ծրարում ու փակվում: Ուստի խստորեն խորհուրդ է տրվում ձգբոսել ցանկերը ոչ թե մրցույթի ավարտից հետո, այլ ընթացքում:

- 3.20. Մրցույթի կազմակերպման նպատակով միավորված դպրոցները պատասխանների թերթիկները և մասնակիցների ցանկերը ընդգրկում են մեկ ընդհանուր ծրարում:
- 3.21. Մրցույթի ավարտին լրացվում է արձանագրությունը, որը փակցված է լրացված պատասխանների թերթիկների համար նախատեսված ծրարի վրա:

4. Արդյունքների ամփոփում

- 4.1. Բոլոր մասնակիցների աշխատանքները տարածքային կենտրոններից ուղարկվում են «Այբ» կրթական հիմնադրամի գրասենյակ, որտեղ և իրականացվում է ստուգումը: Պատասխանների բոլոր թերթիկները մշակվում են սկանների միջոցով և մուտքագրվում համակարգիչ, ապա հատուկ համակարգչային ծրագիրը իրականացնում է ստուգումը: Ստուգման արդյունքում ձևավորվում են ընդհանուր ցուցանիշներ ըստ տարիքային խմբերի: Այդ ցուցանիշների հիման վրա կազմվում են հաշվետվություններ, որոնք հետագայում ուղարկվում են մասնակից դպրոցներին: Յուրաքանչյուր դպրոց ստանում է **հաշվետվություն միայն իր արդյունքների մասին**: Բացի դրանից, յուրաքանչյուր մասնակից դպրոց ստանում է մասնակցության հավաստագիր:
- 4.2. Աշխատանքների ստուգումը տևում է առնվազն մեկ ամիս, որից հետո մոտ մեկ շաբաթվա ընթացքում կազմվում են հաշվետվությունները: **«Այբ»-ը իրավասու է հաշվի չառնել այն աշխատանքները, որոնք ներկայացվել են հաստատված ժամկետից ուշ՝ առանց հիմնավոր պատճառի:**
- 4.3. Մրցույթի արդյունքների հավաստիությունը և օբյեկտիվությունը ապահովելու նպատակով և՛ «Այբ»-ը, և՛ մարզային համակարգողները վերահսկում են մրցույթի կանոնների պահպանումը:
- 4.4. Բազմաթիվ տարիների համաշխարհային փորձը հաստատում է, որ պատասխանների (ինչպես ձիշտ, այնպես էլ՝ սխալ) ամբողջական համընկնում հանդիպում է շատ հազվադեպ: Օրինակ՝ 100 000 մասնակիցների մոտ տարեկան համընկնում է ոչ ավելի, քան մեկ-երկու աշակերտի աշխատանք, որոնք եղել են տարբեր դպրոցներից և թույլ են տվել միայն մեկ միևնույն սխալ: Երկու սխալի համընկնման դեպքեր գրեթե չեն հանդիպում, իսկ մեծ թվով սխալների համընկնում գործնականում անհնար է:

Հասկանալի է, որ ինչքան շատ են ընդհանուր սխալները, այնքան վստահ կարելի է պնդել, որ եղել են արտագրումներ կամ այլ խախտումներ:

- 4.5. Պատասխանների համակարգչային մշակումից հետո **կատարվում է դպրոցի միևնույն տարիքային խմբի բոլոր աշխատանքների համադրում**՝ համընկնումների հայտնաբերման նպատակով: Արդյունքների ամփոփ ցանկերում համընկնող աշխատանքների կողքին կատարվում է «արտագրության կասկած» նշումը:
- 4.6. Վերահսկողության և վերլուծության արդյունքում մրցույթի կանոնների կոպիտ խախտումների բացահայտման դեպքում «Այբ»-ը **իրավասու է որակագրվել** (հանել մասնակիցների ցանկից առանց որևէ փոխհատուցման) ինչպես առանձին մասնակիցների, այնպես էլ՝ ողջ դպրոցը կամ նրա որևէ տարիքային խումբը:



Խստորեն խորհուրդ է տրվում գերծ մնալ մրցույթի անցկացման կանոնների որևէ խախտումներից՝ հնարավորություն տալով երեխաներին ինքնուրույն փորձել իրենց ուժերը: Հիշեք, որ «բարի ցանկությունները» կարող են «արջի ծառայություն» մատուցել՝ չէ՞ որ ավելի լավ է իրական արդյունքներով ոգևորվել, քան որակագրված լինել:

- 4.7. Մինչ արդյունքների հրապարակումը կազմակերպիչները պարտավոր են հանդիպել հաղթողների հետ՝ պարզելու վերջիններիս արդյունքների ազնվությունը: Արդյունքների հավաստիության կասկածի կամ մեծաթիվ հաղթողներ ունենալու դեպքերում «Այբ» կրթական հիմնադրամն իրավասու է մրցույթի հաղթողների հետ անցկացնել լրացուցիչ մրցույթ (թեստավորում, հարցազրույց, հանդիպում)՝ վերջնական հաղթողներին որոշելու համար:
- 4.8. Բոլոր աշխատանքները պահվելու են «Այբ» գրասենյակում մինչև ընթացիկ տարվա հունիսի 30-ը: Մինչև այդ պահը ընդունվում են բողոքարկման հայտեր: Բողոքարկում կարող է իրականացնել միայն դպրոցը՝ այն դեպքերում, եթե մասնակցի անունը չկա հաշվետվությունում, կամ եթե կասկածի տակ է դրվում ստուգման ձշտությունը: Խնդիրների բովանդակության և/կամ պատասխանների տարբերակների ձիշտ կամ սխալ լինելու վերաբերյալ **բողոքներ չեն ընդունվում**, քանզի խնդիրները և դրանց պատասխանների տարբերակները մշակվում և ընդունվում են «Կենզուրու առանց սահմանների» միջազգային ասոցիացիայի տարեկան զագաթնաժողովի ժամանակ, կիրառվում են ողջ աշխարհում:
- 4.9. Մասնակից դպրոցների **արդյունքները չեն համեմատվում**: Մրցույթից մեկ ամիս հետո բոլոր դպրոցներին ուղարկվում են արդյունքների ամփոփ հաշվետվությունները, որոնցում նշվում է երեխայի վաստակած միավորների թիվը և նրա գբաղեցրած տեղը դպրոցում, մարզում և Հայաստանում: Հիշեցնում ենք՝ դպրոցը ստանում է տեղեկատվություն միայն իր աշակերտների արդյունքների վերաբերյալ:

5. Մրցանակաբաշխություն

- 5.1. Բոլոր մասնակիցների, լավագույնների և հաղթողների մրցանակաբաշխությունը իրականացվում է մրցանակային ֆոնդից, որը ձևավորվում է մասնակցության վճարներից և հովանավորների միջոցներից: «Կենզուրուն» զանգվածային մրցույթ է, և մրցանակաբաշխությունը նույնպես զանգվածային է լինելու: Բոլորի համար նախատեսված են հավաստագրեր ու փոքրիկ հուշանվերներ: Լավագույններին տրվում են պատվոգրեր և խրախուսական մրցանակներ: Մրցույթի հաղթողները ստանում են զխավոր մրցանակ՝ արժեքավոր նվերներից մինչև ամառային ձամբարի ուղեգրեր:
- 5.2. Ամառային ձամբարների ուղեգրեր տրվում են 12 տարեկանը լրացած երեխաներին, ովքեր բավարար չափով տիրապետում են անգլերենին: ձամբարները կազմակերպվում են «Կենզուրու առանց սահմանների» ասոցիացիայի անդամ որևէ

եվրոպական երկրում: Ուղեգիրը չի ներառում ճանապարհածախսը, աստիճանաշրջանը և ելքի արտոնագիրը (վիզան): Այդ ծախսերը կատարվում են ծնողների կամ հովանավորների կողմից: Հաղթող ճանաչված, սակայն 12 տարին չբոլորած կամ որևէ այլ պատճառով ուղևորությանը չմասնակցող երեխաները ստանում են այլ արժեքավոր մրցանակ: Ուղեգրերի քանակը սահմանափակ է, և մեծաթիվ հաղթողների դեպքում «Այբ»-ը կանցկացնի լրացուցիչ մրցույթ նրանց միջև:

5.3. Յուրաքանչյուր մարզում խրախուսական մրցանակ կստանա մեկ դպրոց, որը կապահովի իր աշակերտների մասնակցության ամենամեծ տոկոսը:

6. Մասնակցության վճար

- 6.1. Մրցույթի մասնակցության վճարը կազմում է 970 ՀՀ դրամ: Այդ գումարներն օգտագործվում են բացառապես կազմակերպչական աշխատանքների և մրցանակների համար:
- 6.2. Մասնակցել ցանկացողները վճարումները կատարում են «ՎՏԲ-Հայաստան» բանկում բացված **16044 015767700** հաշվեհամարին: Վճարում անելիս՝ հայտնել երեխայի անուն-ազգանուն-հայրանունը, դասարանը, դպրոցի անվանումն ու համայնքը: **Անդորրագրերը կարող են դուրս գրվել ինչպես մեկ կամ մի քանի երեխայի անունով, այնպես էլ՝ ըստ խմբակային ցանկերի:**
- 6.3. Բանկում **վճարում անելը բավարար չէ**. աշակերտը պետք է **գրանցված լինի իր դպրոցի մասնակիցների ցուցակում:**
- 6.4. Եթե երեխան չի մասնակցել մրցույթին (չկա դպրոցի վերջնական ցանկում, կամ չկա պատասխանների թերթիկը), ապա նա կարող է հետ պահանջել մասնակցության վճարը՝ դիմում ներկայացնելով «Այբ» կրթական հիմնադրամ՝ մրցույթի օրվանից **մեկ ամսվա ընթացքում:** Գումարները կվերադարձվեն երեխաների ծնողներին բացառապես հիմնադրամի երևանյան գրասենյակից: Նշված ժամկետից հետո գումարները չեն վերադարձվում:

7. Ժամանակացույց և քայլերի հաջորդականություն

- 7.1. Մրցույթին մասնակցելու փաթեթ-իրավերը ստանալուց հետո դպրոցները մինչև **գրանցման հայտի ներկայացման վերջնաժամկետը** նախապատրաստվում են մրցույթին հետևյալ կերպ.
 - դպրոցում փակցնում են տեղեկատվական պաստառը, իրազեկում են երեխաներին մրցույթի և դրա անցկացման կարգի մասին,
 - բազմացնում և երեխաներին բաժանում են բանկում վճարման կարգի հիշեցման թերթիկները,
 - «Մասնակիցների ցանկի» հատուկ ձևը բեռնում են www.kangaroo.am կայքէջից կամ, կապվելով «Այբ» կրթական հիմնադրամի հետ, ստանում են էլ. փոստով: Ցանկը լրացվում է **բացառապես «Այբ»-ի կողմից տրված էլեկտրոնային ֆայլում**, .xls ֆորմատով, Sylfaen տառատեսակով (Unicode): Ֆայլն անվանվում է հետևյալ կերպ՝ «դպրոցի ծածկագիր.xls» (օրինակ՝ 1234567.xls) և ուղարկվում kangaroo@ayb.am էլեկտրոնային հասցեով մինչև հայտի ներկայացման վերջնաժամկետը:
 - գրանցում են բոլոր հետաքրքրված երեխաներին «Մասնակիցների ցանկում» և հավաքում վճարման անդորրագրերը,
 - նշանակում են դպրոցում մրցույթի պատասխանատուին և ընտրում դիտորդներին:

7.2. Մինչև **հայտի ներկայացման վերջնաժամկետը** դպրոցները մարզային համակարգողներին են հանձնում **հայտը**, որը ներառում է.

- «Մրցույթի մասնակցության հայտի» լրացված, ստորագրված և կնքված ձևը,
- «Մասնակիցների ցանկի» տպագիր տարբերակը: Ցանկի էլեկտրոնային տարբերակը **պարտադիր ուղարկվում է kangaroo@ayb.am** էլ-հասցեով:
- Յուրաքանչյուր երեխայի անունով դուրս գրված բանկային անդորրագրերի բնօրինակները կամ պատճենները:



Հայտը չներկայացնելու կամ ուշացնելու դեպքում դպրոցը ՄՐՑՈՒՅԹԻՆ ՉԻ ՄԱՍՆԱԿՑՈՒՄ: Հայտը հիմք է հանդիսանում դպրոցի մրցութային փաթեթը պատրաստելու համար:

7.3. Մրցույթի օրը.

- դպրոցի պատասխանատուն առավոտյան տարածքային կենտրոնից վերցնում է «Մրցույթի փաթեթը»,
- 12:00–14:00 ժամանակահատվածում դպրոցը պատրաստ է լինում սկսել մրցույթը. սրահը (սենյակը) պատրաստ է, երեխաները նստած են, դիտորդները գիտեն իրենց պարտականությունները և պատրաստ են,
- երբ ամեն ինչ պատրաստ է, մրցույթը մեկնարկում է. բոլոր մասնակիցներին բաժանվում են պատասխանների լրացման թերթիկները և հուշանվերները, բացատրվում են կանոնները,
- պատասխանատուն բացատրում է պատասխանների թերթիկի վրա անձնական տվյալների լրացման կարգը և պահանջում, որ բոլոր երեխաները լրացնեն դրանք: Պատասխանատուն երեխաներին հայտնում է դպրոցի ծածկագիրը և յուրաքանչյուրի հերթական համարը՝ ըստ մասնակիցների ցանկի,
- անձնական տվյալները գրանցելուց հետո միայն **մասնակիցների ներկայությամբ բացվում է խնդիրներով ծրարը**, և խնդիրների տարբերակները բաժանվում են երեխաներին: Այս պահից հաշվարկվում է 75 րոպե մրցույթի ժամանակը,
- ժամանակը լրանալուց հետո հավաքվում են պատասխանների լրացված թերթիկները և մասնակիցների ցանկերի հետ միասին անմիջապես դրվում համապատասխան ծրարի մեջ, փակվում և կնքվում,
- կազմվում է պատասխանների թերթիկների ծրարի վրա փակցված մրցույթի արձանագրությունը: Ծրարը **նույն օրը հանձնվում է տարածքային կենտրոն:**

7.4. Մրցույթից մոտ մեկուկես ամիս հետո դպրոցը կստանա իր աշակերտների արդյունքների հաշվետվությունը: Դրանից հետո կիրականացվի մրցանակաբաշխությունը, որի մասին կհայտարարվի լրացուցիչ:

7.5. Բողոքարկումների դիմումները (ներկայացնում են դպրոցները) ընդունվում են «Այբ» կրթական հիմնադրամում մինչև հունիսի 30-ը:



Պաշտոնական կազմակերպիչը՝ Յայաստանում՝ «Այբ» կրթական հիմնադրամ
Յայաստանի Հանրապետություն, ք.Երևան 0009, Կորյուկի 19ա,
հեռ՝ (+374 10) 54-37-07, էլ. փոստ՝ kangaroo@ayb.am, կայք՝ www.ayb.am, www.kangaroo.am